

UPMKB anjur Bengkel Kesempurnaan Solat

BINTULU: Pusat Islam Universiti Putra Malaysia Kampus Bintulu (UPMKB) mengadakan program Bengkel Kesempurnaan Solat Saudara Baharu Islam dan Sumbangan Khidmat Komuniti di Kampung Muslim Segan di sini, baru-baru ini.

Menurut satu kenyataan UPMKB, program itu melibatkan 36 peserta yang merupakan saudara baharu Islam di sekitar kampung tersebut.

"Program ini bertujuan mengeratkan hubungan antara Pusat Islam UPMKB

bersama komuniti setempat di samping membantu para peserta menambah ilmu berkaitan asas-asas Islam.

"Bengkel Kesempurnaan Solat yang disampaikan dalam bentuk interaktif oleh Pengerusi Jawatankuasa Pusat Islam

UPMKB Ustaz Abdul Halim Abdul Kadir menarik minat para peserta dalam mendalami ilmu yang dikongsikan.

Difahamkan, para peserta turut diberikan sijil penyertaan dan barang keperluan harian pada program tersebut.